



Plattdeutsche Wochen

MECKLENBURG-VORPOMMERN

Ankündigung (Pressemitteilung)

Plattdüütsche Wochen in Mäkelborg-Vörpommern

Upraup tau dei 4. Plattdüütschen Wochen von'n 26. Maimånd* bet taun 16. Rosenmånd 2024**

Dei Heimatverband MV e.V. wennt sik an Krings, Verbänn', Schaulen, Kommünen, Medien un Künstler/innen un all, dei Frünn' von uns plattdüütsche Språk sünd, bi dei 3. Plattdüütschen Wochen (Wäken) mittaumåken. Schirmherrin in dit Johr is wedder dei mäkelnbörger Lannesmudder Manuela Schwesig.

Dat Johr 2024 is ok 'n Reuter-Johr. Dei Heimatverband fäuht sik taun 150. Dodesdach von Fritz Reuter inne Plicht, Wark un Daun von dissen plattdüütschen Schriewersmann un Demokraten noch mihr in't rechte Licht tau setten. All, dei sik mit Plattdüütsch befåten, süllen em wihrend dei Plattdüütschen Wochen up besonnere Oort un Wies ihren.

Schnacken Sei ok Platt?

Wenn, denn måken's mit un posauen's ehr Infåll up lütte un grote Tausåmenkünt as 'n plattdüütsche Låsung, 'n Theoterspill orrer 'n musikalisch Programm in ehr Inrichtung tau dei „Plattdüütschen Wochen“ 2024 ut. Måken's Rundgång up Platt an un måken dorför Reklåme bi'n Horschnieder orrer Apteiker. Hemm's nie nich Bang, œwerall, wo's gråd sünd, Platt tau schnacken!

Schnacken's Platt wo's sik gråd uphollen, up'e Stråt, up 't Amt bi die Arbeit, inne Schaul, bi't Inköpen, in't Ollenus un inne Spålschaul, tau Hus mit Frünn' un Bekannte!

Daun wi all tausåmen wat, dat uns schöne Språk, œwerall wo Minschen sünd, språken ward un tau hüren is.



Plattdeutsche Wochen

MECKLENBURG-VORPOMMERN

Up väle Beläwnisse, dei all plant sünd, willen wi henwiesen:

Denn Anfang vonne „Plattdütschen Wochen“ 2024 an'n 25.05. billen die „18. Plattdütschen Däch“ in Döms mit 'n Festival vonne Nedderdütsche Språk un 'n groten Kunsthandwarker-Markt, tau denn Minschen ut dat ganze Land MV kämen, üm dorbi tau sien. Dr. Martin Buchsteiner as Baas von'n Heimatverband ward tausåmen mit Jette Bolz as uns ierste Plattdütsch-Botschafterin in uns Land die 4. „Plattdütschen Wochen“ denn Uptakt dortau gåben.

In't Museum ünnern frieen Häben in Schwerin-Muess fieert Måkelnburg-Vörpommern von'n 24.05. – 26.05. dat immaterielle Arf, dortau warden allerlei Beläwnisse utricht't, wo ok Plattdütschaktörs tau Wurt kämen.

Dat „Plattdütsche Wurt“ 2024 ward an'n 01. Rosenmånd (Juni) bi'n Tausåmenkunft in't Schlott vonne Reuter-Stadt Stemhagen utposaunt.

An'n 08. Rosenmånd (Juni) heit dei 10. Bäukerdach in'n Botan'schen Gorn vonne Uni Rostock niegeliche Gäst willkåmen. Organisiert ward disse Dach von'n Botan'schen Gorn, denn Plattdütsch-Verein „Klönnsnack-Rostock 7“ un denn Heimatverband Måkelnburg-Vörpommern e.V.

Von'n 10. bet 14. Rosenmånd finnt in Griepswold dat „Festival up Platt“ mit dat Figurentheoter un anner int'ressante Veranstaltungen statt. Taustännig sünd hierfür dei Lannesverband vonne frieen Theoter, dat Soziokulturell Zentrum St. Spiritus, dat Kompetenzzentrum Nedderdütsch un dei Heimatverband MV.

Mit dei Klosternacht tau Malchow an'n 14.06, 'n plattdütschet Netzwerkdråpen in'n Kreisagrarmuseum in Dörp Måkelnburg an'n 15.06., Theotervörstellung un plattdütsche Gottesdeinste gåhn dei 4. Plattdütschen Wochen up't Enn tau.



Plattdeutsche Wochen

MECKLENBURG-VORPOMMERN

Måken's mit bi dei 4. „Plattdüütschen Wochen 2024!“

Henwies taun Mitmåken giff dat up dei Websied von'n Heimatverband MV www.heimatverband-mv.de in'n virtuell Kråmkist. Dorin finnen's ok dat Logo un Plakatideen, Postkarten för dei nödige Reklåme, Wür för Plattdüütsch in'n Olldach un noch anner Såken. In'n „Atlas Nedderdüütsch“ up uns Internet-Sied finnen's dei Lüüd, dei's taun Veranstaltung inlåden köenen. Up dei Homepage finnen's Medientipps tau int'ressante Filme, Hörbåuker un Audio-Angebote.

Mellen's ehr Belåwnisse un Veranstaltungen bi uns. Up uns Websied bünneln wi denn all dei Akschonen inne 4. „Plattdüütschen Wochen“ 2024. Un wi sünd uns säker, dat mit ehr Hülp dei „Plattdüütschen Wochen“ wedder taun Belåwnis warden.

Willen's mitmåken bi dei 4. „Plattdüütschen Wochen“?

Denn köenen's sik furtsens in Verbinnung setten mit Dr. Karola Stark, Baas inne Geschäftsstell in Ferdinandshoff/Vörpommern, Tel. 039778 286352, Mail: stark@heimatverband-mv.de

Plattdüüsch läwt, wenn't ok schnackt ward!

All nödigen Informatschonen finnen's up uns Hompage:

[https://www.heimatverband-mv.de/niederdeutsch/plattdeutsche Wochen-2024.html](https://www.heimatverband-mv.de/niederdeutsch/plattdeutsche%20Wochen-2024.html)Wir

Wi freuen uns sihr, dat wi denn NDR as Medienpartner för die 4. „Plattdüütschen Wochen“ winnen können.

Dei Plattdüütschen Wochen kriegen 'n Tauschuss von't Ministerium för Weitenschap, Kultur, Bunnes- un Europaangelågenheiten Måkelborg-Vörpommern.

*Maimånd - Monat Mai | ** Rosenmånd – Monat Juni

Up Platt hett dat Behrend Böckmann för uns måkt. Von Harten Dank.